0.0.1 khayasuttam

- 1. yo bhikkhave, maggo yā paṭipadā taṇhakkhayāya saṃvattati¹, taṃ maggaṃ taṃ paṭipadaṃ bhāvetha. katamo ca bhikkhave, maggo katamā ca paṭipadā taṇhakkhayāya saṃvattati: yadidaṃ sattabojjhaṅgā. katame satta: satisambojjhaṅgo dhammavicayasambojjhaṅgo viriyasambojjhaṅgo pītisambojjhaṅgo passaddhisambojjhaṅgo samādhisambojjhaṅgo upekhāsambojjhaṅgoti. evaṃ vutte āyasmā udāyi bhagavantaṃ etadavoca: kathaṃ bhāvitā nu kho bhante, satta bojjhaṅgā kathaṃ bahulīkatā taṇhakkhayāya saṃvattantīti.
- 2. idhūdāyi, bhikkhu satisambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggapariṇāmiṃ vipulaṃ² mahaggataṃ appamāṇaṃ abyāpajjhaṃ. tassa satisambojjhaṅgaṃ bhāvayato vivekanissitaṃ virāganissitaṃ nirodhanissitaṃ vossaggapariṇāmiṃ. vipulaṃ mahaggataṃ appamāṇaṃ abyāpajjhaṃ. taṇhā pahīyati. taṇhāya pahānā kammaṃ pahīyati. kammassa pahānā dukkhaṃ pahīyati. iti kho udāyi, taṇhakkhayā kammakkhayo. kammakkhayā dukkhakkhayoti.
- 3. dhammavicayasambojjhangam bhāveti vivekanissitam virāganissitam nirodhanissitam vossaggapariņāmim vipulam mahaggatam appamānam abyāpajjham.

¹saṃvattanti - sī, 1, 2.

²vepullam - sī 1, 2.

tassa dhammavicayasambojjhangam bhāvayato vivekanissitam virāganissitam nirodhanissitam vossaggaparināmim. vipulam mahaggatam appamānam abyāpajjham. tanhā pahīyati. tanhāya pahānā kammam pahīyati. kammassa pahānā dukkham pahīyati. iti kho udāyi, tanhakkhayā kammakkhayo. kammakkhayā dukkhakkhayoti.

- 4. viriyasambojjhangam bhāveti vivekanissitam virāganissitam nirodhanissitam vossaggaparināmim vipulam mahaggatam appamānam abyāpajjham. tassa viriyasambojjhangam bhāvayato vivekanissitam virāganissitam nirodhanissitam vossaggaparināmim. vipulam mahaggatam appamānam abyāpajjham. tanhā pahīyati. tanhāya pahānā kammam pahīyati. kammassa pahānā dukkham pahīyati. iti kho udāyi, tanhakkhayā kammakkhayo. kammakkhayā dukkhakhayoti.
- 5. pītisambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggapariṇāmiṃ vipulaṃ mahaggataṃ appamāṇaṃ abyāpajjhaṃ. tassa pītisambojjhaṅgaṃ bhāvayato vivekanissitaṃ virāganissitaṃ nirodhanissitaṃ vossaggapariṇāmiṃ. vipulaṃ mahaggataṃ appamāṇaṃ abyāpajjhaṃ. taṇhā pahīyati. taṇhāya pahānā kammaṃ pahīyati. kammassa pahānā dukkhaṃ pahīyati. iti kho udāyi, taṇhakkhayā kammakkhayo. kammakkhayā dukkhakhayoti.
- **6.** passaddhisambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggapariṇāmiṃ vi-

pulam mahaggatam appamāṇam abyāpajjham. tassa passaddhisambojjhaṅgam bhāvayato vivekanissitam virāganissitam nirodhanissitam vossaggapariṇāmim. vipulam mahaggatam appamāṇam abyāpajjham. taṇhā pahīyati. taṇhāya pahānā kammam pahīyati. kammassa pahānā dukkham pahīyati. iti kho udāyi, taṇhakkhayā kammakkhayo. kammakkhayā dukkhakkhayoti.

- 7. samādhisambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggapariṇāmiṃ vipulaṃ mahaggataṃ appamāṇaṃ abyāpajjhaṃ. tassa samādhisambojjhaṅgaṃ bhāvayato vivekanissitaṃ virāganissitaṃ nirodhanissitaṃ vossaggapariṇāmiṃ. vipulaṃ mahaggataṃ appamāṇaṃ abyāpajjhaṃ. taṇhā pahīyati. taṇhāya pahānā kammaṃ pahīyati. kammassa pahānā dukkhaṃ pahīyati. iti kho udāyi, taṇhakkhayā kammakkhayo. kammakkhayā dukkhakkhayoti.
- 8. upekhāsambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggapariṇāmiṃ vipulaṃ mahaggataṃ appamāṇaṃ abyāpajjhaṃ. tassa upekkhāsambojjhaṅgaṃ bhāvayato vivekanissitaṃ virāganissitaṃ nirodhanissitaṃ vossaggapariṇāmiṃ. vipulaṃ mahaggataṃ appamāṇaṃ abyāpajjhaṃ. taṇhā pahīyati. taṇhāya pahānā kammaṃ pahīyati. kammassa pahānā dukkhaṃ pahīyati. iti kho udāyi, taṇhakkhayā kammakkhayo. kammakkhayā dukkhakhayoti.